



Kat. Komp.  
23497

St. Dz.

P

*Censura amica seu  
Crisis informativa super  
Communi modo vetandi, D. D. Polonis  
in suis Consiliis usitato per verbum,  
Nieporwalam 1736.*




N. 275  
Hist.

1 vol.  
126-18.



~~Hist. vol. 5572.~~







1883. IV. 29.



CENSURA  
AMICA,  
*Minimorum et maximorum Regum seu*  
CRISIS  
INFORMATORIA,

*super*  
Communi modo vetandi, D. D. Po-  
lonis, in suis Consiliis, usitato,

*per verbum*

*J<sup>2</sup> 142.*  
Niepozwalam. (a)

*(1736)*  
*Non est malevolus, qui crimen alterius indicat:  
quia indicando corrigere potest, & tacen-  
do, frater perire permittitur. S. Augustinus.*

---

(a) Terminus hic vetandi, ex vi nominis, significat *contradico, dené-  
go*, seu *non consentio*, quod apud Polonos vulgò dicitur *Vero*.



CELESTIS  
AETHRA

CHRISTUS  
INORMIS



INFORMIS

23497

INFORMIS  
CHRISTUS  
INORMIS

INFORMIS  
CHRISTUS  
INORMIS





*Consilium custodiet te, & prudentia servabit te.* Proverb. c. 2. v. II.

**Æ** Quiorem te mihi, amice Lector, ex hac censura, habirum iri censores, ratio iusti svadet. Qvod non præceps ambitio, non odium, aut ira, sed rectè mihi dicendi officium, ita scribere admovit: *Negligere quippe cum possis deturbare perversam opinionem, nihil est aliud, quàm fovere.* Fel. Pont. de libert. (b) Utinam filere tam liceret, quàm invidiosum est loqui, de violenta, præpotente, & plusquam Stentorea voce, quâ Lechiæ, ferale illud, in ore malorum Civium, resonat clasicum: *Niepozwalam, niemasz zgody.* Non secus, ac si in hoc uno temerè (c) sumpto, libertatis cardo verteretur: ut maiestate suâ Regibus detractâ, à se Principes universos pendere, regna firmari, mutari, & suum esse orbis terrarum imperium crederetur.

Hinc ne præteritarum calamitatum, quæ ab hoc unico fonte malignantis naturæ, in Poloniam ubertim sapiùs exundârunt, hinc refricem memoriam, satis erit, & ad nauseam usque earum meminisse, sub quibus hodie Lechia deploranda, inter mala intestina,

A 2

ac

(b) Goldast, in Monarch. S. Rom. Imp. (c) contra Legem.



ac domestica tam abominabilia, tam diuturna, totiesque repetita jurgia, atque diffidia civium, tota gemit lacrymabunda: *Damna fleo rerum, sed plus fleo damna dierum.* Quibus moram afferente, in malis fratribus, civicâ discordiâ, salus Patriæ periclitatur & Civium.

Et licet communi utilitate exigente, ad consilium (quod deum regnis saluberrimum est) ventum sit, quia tamen inter diffidentes animorum potestates, sat bonâ fide, res convenire non potest, potest & nunquam certa pax Poloniæ censeretur, nec dilatio belli.

Unde justè vices dolendo cum Lechia, (à qua tot beneficia receperam,) fortem plorando pauperum, quorum

*Lamentis gemituque*

*Tecta fremunt, resonat magnis plangoribus æther. (d)*

Vos, quorum maximè interest, Viri prudentissimi, *avertere noxia & rebus succurrere lapsis*, quos, sapientiâ, integritate, usu rerum, prudentiâque, & moderatione, cæteris præstantes, favor Divinus, Reipublicæ gubernaculis, veluti secundos, Atlanti Vestro Regi admovit Hercules, Senatores Ornatissimi, in medium evoco, ne altitudinis fortunæ Patriæ, cum Serenissimo olim Glor. mem. AUGUSTO II., Rege Vestro Desideratissimo, penè obliti, eam, quæ magnitudine vestrâ, digna est, libertatis vestræ, qua nulla res inter mortales pulchrior, nulla augustior in terris, conservandæ, cum Serenissimo Rege AUGUSTO III., curam suscipi negligentes, inimicitiis, contentionibus, æmulationibus, iris, rixis, dis-

(d) Virg. 4. Æne:



ensionibus, & sectis populi, ab invicem consumi patiamini.  
*Omnis enim lex in uno sermone impletur:* (e) *Zgoda.* (f)

Ut verò ab omni refutatione popularium, (quorum in criminibus potestas,) hìc sim alienus, exoratum te velim, Amice lector, ut omnem deponas sinistram affectionem, qualemcunque & undequaque natam. Absit livor & invidia, absit pertinacia, absit affectus malitia corrupti, atque ad unicæ veritatis metam, ora converte atque oculos. Itaque.

Labor hic, quem venerandæ veritatis studiò suscepi, arbiter est consiliorum vestrorum, non Momus, aut Zoilus Cenfor. Nec in cujusquam contumeliam hæc dici putes: rem notamus non homines. Opto esse nullos, in quos hæc congruant. De malis loquor, bonos non lædo: imo nec malos. Si quis hujusmodi non est? nihil ad se pertinere cogitet; sin agnoscit suum malum? admonitum se putet cum Apostolo: *non ut confundam vos, hæc scribo, sed ut Filios meos charissimos moneo.* Cor. I. cap. 4.

Hoc præmissò, ad negotium, cujus rei gratiâ, scriptionem hanc institui, cum Domino accedo.

Ante menses circiter tres, submissa mihi fuerunt acta Nuntiorum Terrestrium, pro more Patriæ, ad Comitia Pacificationis Deputatorum, Annò Domini proximè elapsò 1735. Die 27. Septembris, Varsoviæ celebrata. Quorum desiderio raptus in lectionem, *vidi prævaricantes & tabescebam.* Et ne quid gravius dicam: abhorruì, & obstupui, super tam illegalem, importunum,

B

&

(e) ad Gal. c. 5. v. 14.

(f) Hoc vocabulò datur consensus civium, super re aliqua ab Ordinebus definienda, quod idem significat, ac *convenio, consentio, &c.*



& irregularem modum agendi, non modò inclytæ Genti Polonæ inconvenientia, sed & injuriosa monumenta rei. Quod cùm diligentius apud me recogitasset, & causam mali esse *Liberum Veto* intellexissem, veritate, cujus præcipua semper in omni disquisitione, habenda est ratio, monitus, ea, quæ de hac re sentio, palàm dicere, quàm impiè de Republica, deque pace, salutè, & securitate publica actum sit. Quàm nefariè maleuoli Cives, ambitione non ratione ducti, optimè de Republica sentientium, præclara, piæque sensa virorum, insolenter tumultuantes, buccis crepantibus veluti è Cathedra pestilentia, vocem liberam perturbantes, placita Regum renuentes, Legum monita & Fratrum Majorum (g) suasiones rejicientes, solis suis passionibus prædominati, omnia sibi licere per *liberum Veto* autumantes, jura, privilegia, statuta, ordinemque procedendi in comitiis, Legibus (h) circumscriptum, susque deque everterint, novum Babylonicæ confusionis introducentes regimen: *sinè cruce, sinè luce.*

Hinc nè libertatem in occasionem detis, attendite principes populi! & Seniores audite! Dei vox est: omnia debere fieri ordine & decenter Cor. I. cap. 14. imò certa ea est prosperrimi successus sponso. E contra, horrorem sempiternum indicant, factiones, malè-sana discordia, quam ratio deserit, & aptus gerendorum ordo:

*Id quod præcipiti viâ*

*Cer-*

(g) ita Patriò idiomate vocantur Senatores: *Bracia Starsi.*

(h) Constitut. SIGISMUNDI III. an. 1591. *comitia incipere debent ea ipsa die, qua literis universalibus indicta fuerint.* Szczerbic. Constit. JOANNIS III. an. 1690. tit. *obiasnienie Konstytucyi o porzadku Seymowania.*



*Certum deferit ordinem.*

*Lætos non habet exitus.* Boëtius met. 6. lib. 1.

His moribus effectum videmus, ut excussâ, penitus ex animis Civium, illâ vetere, erga Reges reverentiâ, erga leges observantiâ, dies nos manent iræ, calamitatis, & miseriæ, ex inverso rerum ordine.

Hoc expensô: non modò rem gratam, verùm & Patriæ vestræ utilem judicavi, si quid in medium afferrem consilii de *Liberò Veto*; pro informatione concivium, jura Regni cum dedecore Gentis ignorantium. Quibus nullum jam scelus aut deest, amplius, aut scelus esse videtur IGNORANTIA. (i) Quibus non absurdè hîc illud accommodaveris Oseæ: *non est scientiâ DEI amplius in terra.* Ubi nec lex, nec ratio in consiliis est. Omnia sibi licere per *Liberum Veto*, cælum terræ, sursum miscere deorsum: Divina humanaque jura temerare, sanctum vocatur, ac Deo gratissimum esse disputatur.

O corrupta sæcula! in quæ vos mutârunt tempora Poloni: O mores! longè Majoribus Vestris dispares! quorum integritatem, virtutem, & prudentiam, orbis expertus est & admiratus. Quibus non immeritò, illud Viri melliflui, applicari potest elogium; *Genus clarum, corpus aptum, ingenium velox, eruditionis utilitas & morum honestas* (in Polonis) *resplendent: & gloriosa dicta sunt.*

Opto ut tantillâ laudum collectione, ad meliora provöcemini charismatâ. Opto ut amore Patriæ, exemplò Majorum Vestrorum incitati, ad futura progrediamini consilia, in ratione & unione. Ad quæ, ne vobis deinceps obstaculo sit *Liberum Veto*,

B 2. illud

(i) Ignorantia virtutum inhumanis carnifex, omniumque vitiorum stimulus est. GUEVARA in Horol. Princip.



illud tamen rectè intellectum, per omnia cum libertate salvetur, jure expendere, atque pro posse studiosè explicare conabor, ad Majorem DEI Gloriam, Regnique vestri emolumentum.

*Qv.* A quo tempore *liberum Veto* cæpit in Polonia? quid sit? ubi & quando observari debeat?

Pro Cujus rei perfectiùs habenda notitia, inferiùs posita, ut scitu necessaria, hìc præmittuntur Lectori.

Imo. Initiò Gentis Polonæ, populus sine lege scripta vixit, omniaque nutu & arbitriò Principum & Regum suorum regebantur. *Lechus partim Gnesnæ manendo, partim obeundo Regiones, jus dabat populo æquabile, non ex præscripto Legum, quæ nullæ erant, sed ex arbitrio suo:* Cromerus lib. 2. de orig. & reb. gest. Polon. Firmatur hæc veritas ex Justin. lib. 1. *Arbitria Principum pro legibus erant. Non secundùm legem (quæ non erat) sed Regum præceptionibus populus regebatur.* Joseph. ad Apion. 2. Primus fuit CASIMIRUS M., qui Rempublicam legibus auxit, condidit & promulgavit. *Lascius fol. 8. Cromerus, lib. 12. Statuta Regni, Casimirus M. condidit, & promulgavit primus, Paul. Sczerbicius.* Præsuppositò tamen (ut habet Cromerus lib. 8.) sub Bole-slao Pudico, jam certas extitisse leges, simplices tamen, ut rude illud pro tunc ferebat sæculum, quas, successu temporum ALEXANDER, SIGISMUNDUS AUGUSTUS, alique subsequentes Reges, augere & firmare cœperunt. *Lascius fol. 6. Przyluscus fol. 39.*

2do. Leges seu Constitutiones Regni vocantur in Polonia, quæ à tribus ordinibus Regni (*Regiò*, penes quem est dignitas, *Senatoriò*, penes quem est authoritas, & *Equestri*, penes quem est







juris adscripsit & approbavit. vide Lascium fol. 120. Herburt. tit. *Consuetudo Zawadzki* fol. 4. & seqq. Item Consuetudines Podlachia SIGISMUNDUS AUGUSTUS in Comitibus Lublini an. 1569. Consuetudines Masovia STEPHAN. Rex sub tempus Coronationis suae an. 1576. approbaverunt, ut videre est in Constitutionibus & apud Januszovium *de juribus Mazovia* lib. 7. pag. 4.

6<sup>to</sup>. Ut consuetudo vim legis obtineat, legitimaque censeatur, plures ad ejus valorem requiruntur conditiones, ex quibus tamen principalis est RATIONABILITAS, hoc est; ut consuetudo sit rationabilis, ita Przyluscus ex Hostiensis. Alias corruptela diceretur, *text. in d. cap. fin. de consuetudine*, & in L. *quod non ratione ff. de Legibus*. Ratio additur. Quia sicut lex, ita & consuetudo (quae vim legis habet) debet esse sancta, possibilis & Republicae utilis. can. *consuetud.* dist. 1. & can. *erit.* dist. 4. Illa vero consuetudo dicitur esse irrationabilis, quae est contra bonos mores, aut praebet occasionem delinquendi. Repugnatque Religioni, libertati &c. *ut in causa* 14. q. 4. per toum habetur.

7<sup>mo</sup>. Deducto, in supposito 1<sup>mo</sup>. quod Polonia à primordiis suis, solo nutu & arbitrio Principum, Regumque suorum regebatur, necessario sequitur, Lechiam non cum libertate natam esse, sed eam primò cum tempore natam fuisse, idque à sola Gratia & bona Voluntate Regum, liberè eam populo impertientium: Ut videre est in antiquioribus constitutionibus, privilegiis, statutis, & pactis conventis, maximè iis, quibus STEPHAN. Rex titulum Haeredis exuit. tit. *Litterae confirmationis articulorum Henrico Regi oblato* fol. 253. Similiter iis, quibus SIGISM. AUGUSTUS an. 1564. in Comitibus Varsovien. titulum atque jus haeredis, in  
gra-



gratiam Polonorum exiit. *Teste Alberto Kojalovicio part. 2. Hist. Lithv. lib. 8. p. 458. in fin.* Confirmatur hoc disertis verbis, quibus omnes testantur post JAGIELLONEM, se Reges electos non natos esse. Januszovius lib. 1. Constitut. Regn. Polon. part. 1. pag. 4. seqq. Zawadzki part. 1. Constit. & jur. Regn. Polon. pag. 19. Herbut. Sczerbiecius & alii. Hinc quaritur.

8<sup>vo</sup>. Quid sit. Libertas? *Resp.* 1<sup>mo</sup>. Variè à variis libertatem describi. Juxta Tacitum est, *sentire quæ velis, dicere quæ sentias.* Juxta Ciceron. *præcipit ea quæ facienda sunt, prohibetque contraria.* Ex statuto SIGISMUNDI I. est *Donum DEI*, Dux Joan. Radziwil, M. D. L. Incisor, an. 1701. Parisiis protunc existens, publico projecto, quod titulum præsefert *vox justa & libera*, declaravit: *bona velle Patriæ mala nolle* veram esse & præcipuam libertatem Liberi Civis. 2<sup>do</sup>. Distinctam dari libertatem, non secus ac diversas esse imperii potestates, Regiam & Dominicam, docet *Hugo Grotius lib. 1. cap. 3. §. XII. de jure Bell. & pac.* aliam esse personalem, aliam civilem, aliam singulorum, aliam universorum, sub qua, Respublica suis legibus administratur. Taliterque hinc sumpta, est *Jus regendæ per se Reipublicæ.* Quod jus plenum est in statu populari, temperatum in statu optimate. *Hugo lib. 2. cap. 24. §. 6. II.* Ac quoniam jus dicitur, *quod justum est* can. jus. Gener. d. 1. sequitur Objectum libertatis esse, *justitiam & honestatem.* His expensis, ipsum *liberum Veto*, considerandum nobis venit.

*Quæ* A quo tempore, caput *liberum Veto* in Polonia?

*Resp.* Inter alios, quibus nobile hoc Veto, jus suum debet, Serenissimum AUGUSTUM III. legitimum Regem Polo-



niarum, suum nunc deprædicat. Assertorem, Propugnatorem & Vindicatorem. Quem vero suum dicat Authorem; quæque ejus origo fuerit in Polonia? deducit DLUGOSSUS, lib. IX. *Hist. Polon. fol. 1030. tom. 1. annal.* his verbis: *Susceptô, Anno Domini 1334. adeptoque Regni Poloniæ regimine CASIMIRUS REX, (k) duo sibi præcipuè in primitiis, quibus Regnum suum augeri firmarique posset, duxit providenda. Primum, ut Regnum superiori guerra & incendio per Cruciferos afflictum, vexatumque, & ad grandem exinanitionem perductum, pace reddita, respiret. Alterum, ut furum, prædonumque, quorum Patris sui Wladislai Regis dissimulatio frequentiam gigni siverat, exterminio Regnum purgaret, stratasque publicas & privatas, & quæque itinera tuta præstaret. Et primum quidem efficere conatus, bellum cum Cruciferis de Prussia gerendum, cum cæteræ omnes partes essent quietæ, continuatione firmationeque ulterioris treugæ ad Festum S. Joannis Baptistæ anni subsequenti suspendit. Et quo certior pax, & terrarum quas Cruciferi occupaverant, provenire possit, duobus Arbitris (quorum unum videlicet Carolum Hungariæ Regem, Casimirus Rex pro sua, & Joannem Bohemiæ Regem alterum, quem Magister & Ordo Cruciferorum pro sua parte eligunt) omnem quæstionis & differentiarum molem decidendam committunt, ac in eos plena voluntate compromittunt. Ita ille supra citatus.*

Quem Cromerus Lib. XII. de reb. Gest. Polon. per omnia firmat his verbis: *& quoniam videbat CASIMIRUS omnem pene Poloniam, Crucigerorum armis atque domesticis latrociniis, quæ Patre regnante, impunitate increbuerant, &c. &c. cum Crucigeris indu-*

(k) Sermo de est Casimiro Magno, Filio Regis Wladislai Lothici.



*inducias facit, per quas, perpetuâ pax, supra memoratis (CAROLO & JOANNE) Hungarorum & Bohemorum Regibus arbitris componeretur, fol. 205.*

Itaque CASIMIRUS, plus pacis cupidus quam belli, etiam non attentô, quo ad injuriosam sibi sententiam, ex compromisso latam, pacem Vicegradi in Hungaria anno Dni. 1335. Mense Novembri, arbitrio Regum CAROLI & JOANNIS, factam, acceptat, Cromer. fol. 205. annot. ad margin. *pax inter Polonos & Crucigeros.*

Verum Magister & Ordo, solita calliditate & vafricie usi, contra hanc arbitramenti duorum Regum Hungariæ videlicet & Bohemiæ ordinationem, quamvis in suum favorem, pronuntiatam fuisse perspicerent, decisionem hujusmodi, absque Prælatorum, Baronum, Nobilium, Civiumque, & Communitatis Regni Poloniæ (veriti ne sententia Regum aliquando possit in dubium revocari) rejiciunt & despiciunt. Dlugosz fol. 1036. Tom. I. annot. ad margin. *Theodoricus Prussiæ Magister, Cujaviæ & Dobrzyn. terræ restitutionem negat &c.*

Idem asserit Cromer. lib. supra citat. *non tamen reddebant ex decreto & pacto, Cujaviam Dobrzynumque, Crucigeri CASIMIRO, quamvis approbasset is sententiam Regum, ex compromisso Latam, nisi etiam unâ cum senatu, nobilitate, & civitatibus, Diplomatis & jurejurando dato, Pomeraniæ, Culmensi & Michaloviensi tractibus à se, & posteris suis prorsus abdicaret.* fol. 206. & præcedenti 205. ad fin. annot. ad margin. *Crucigeri pactis conventis cum Polon. non steterunt.*



Contra quos, Casimirus *Poloniæ* Rex, nullum sibi rebusque suis videns successum, ex arbitrari regum sententia, generalem Regni sui agit convocationem, animò deliberandi, quid opus sit factu? cum Cruciferis, literas patentes super conclusum duorum Regum demandantibus: *Nullum profectum* Casimirus *Poloniæ* Rex, ex arbitrari duorum Regum pronuntiatione & sententia sibi & rebus suis videns accessisse, quinimò Magistrum & Ordinem, in maiorem pompam animos indurasse, generalem terrarum regni sui agit conventum: deliberaturus, an ad ea, quæ Magister & Ordo Cruciferorum, super terrarum Pomeraniæ, Chelmenfis, & Michaloviensis, renuntiatione & titulo, & juramento præstando, concedendisque literis ad præmissa, à Rege expetit, annuendum? vel quid opus factu foret. Dlugosz fol. 1038. Tom. I. Annal. annotatione ad marg. Casimirus Rex celebrato conventu generali &c. Anno 1337.

Ab hoc tempore, subsequentes Reges, exemplò Casimiri excitati, Consilia sua, sub libero assensu Civium cæperunt formare. Ita ex antiquioribus Statutis, sub verbo: *cum Consilio, consensu, & unanimi sententia Prælatorum, Baronum, nobilium, & Militum &c.*

Ad quos tandem, Generales conventus Regni, accessit novum jus eligendi Nuntios Terreſtres, sub CASIMIRO Jagiellonida, anno Dni. 1468. Gdy na Kazdy (Seym) viritim iezdzic się szlachcie uprzykrzyło, iedni przez drugich na nic się zgodzić nie mogli, postanowił Roku Pansk. 1468. w Piotrkowie, aby Posłowie Ziemszy ze wszystkich Powiatow y Ziemi na Seym wyprawowani byli, a tak, Nuntii Terreſtres nati sunt, Kóludzki fol. 164. ex lib. Thron Oyczysty &c.

Idem



Idem habet Hartknoch lib. 2. cap. 6. de comit. Polon. Cùm enim finitò tredecim annorum bellò in Prussia, contra Cruciferos gestò, tributum ad exsolvenda stipendia à nobilitate minoris Poloniae exigetur, non abnuebat id quidem equestris ordo, sed sinè majoribus Polonis illud sciscendum non putavit; quare placuit è Polatinatibus sive Satrapiis, Legatos ad Comitìa Petricoviensia mitti, qui decernendi in commune cum cæteris moderati tributi potestatem haberent. fol. 657. tit. Nuntii tempore Casimiri Jagiellon. &c.

Hoc postea ita inolevit, ad hunc usque diem, ut sine illis Legatis, sive Nuntiis Provincialibus, nulla legitima comitìa haberentur, neque tributum imperari, ac ne lex quidem ulla fieri possè videretur. Cromer. Lib. 27. de ort. & reb. gest. Polon. pag. 400. Neugeb. lib. 6. hist. Polon. in vita Cosim. Jagiell.

Quos sub ALEXANDRO Rege, in comitiis Radomensibus an. 1496. Legibus placuit confirmari: tit. de non faciendis constitutionibus sinè consensu consiliariorum & Nuntiorum terrestrium.

Tandem crescente, cum tempore malitiâ hominum, super terram, caput sensum absque sensu, liber hic consensus Civium, sub SIGISMUNDO AUGUSTO, HENRICO VALESIO, STEPHANO BATHORÆO, in licentiosum degenerare Veto. Quo, ad ambitionem versi, dum suò quisque nutu uteretur, posthabito Publicò Bonò, rem privatam, potentiamque suam augere studentes, leges, privilegia, jura violare, & temerare caperunt. Quibus deinceps omnes Constitutiones, respectivè: SIGISMUNDI III. an. 1609. tit. Deklaracya artykułu de non præstanda obedientia, fol. 888. MICHAELIS an. 1673. po Konfederacyi Golebskiey,



tit. Diploma fol. 4. & fol. 2. à verbo: *My stosując się do zgody* *tychże Stanów &c.* JOANNIS III. an. 1690. tit. *obiasnienie* *Konfytucyi dawniejszych, o Porządku Seymowania.* AUGUSTI II. an. 1717. tit. *Utwierdzenie Traktatu &c.* & an. 1718. tit. *Głos wolny &c.* approbantes & confirmantes libertatem sentiendi, & jus vetandi, in majorem audaciam, & suffragium mali abierunt, contra mentem Reipublicæ, per omnia quidem asseverantis *Liberum Veto*, cum restricta tamen observantia Legum & Jurium Regni. Uti per expressum habetur in contextibus prællegatarum Constitutionum. *Niederogując w tym y wolnemu domawiając wolności y całosci praw swych: Kazdemu szlachcicowi na seymiku Powiatowym; a Posłowi na Seymie według dawnego zwyczaju prawem opisanego &c.* ex constitutione SIGISMUNDI III. superius citata. *My stosując się do zgody tychże Stanów &c.* formam Reipublicæ ad antiquum statum *przywracamy: iako to, Seymi, Seymiki, Izbę Poselską,* libertatem sentiendi & jus vetandi *przy Prawie.* MICHAEL an. 1673. Similiter & reliquæ hinc citatæ sonant. Per quod

Patet ad quæsitum secundum, *Ubi, & Quando, Liberum Veto* observari debeat? nimirum: in Comitibus & Comitulis, in justitia & honestate, penes jura & Leges Regni. Hinc sequitur 3tium.

Quid sit? Respondeo *Liberum Veto*, ex significatione sui idem significare, quod *prohibeo, obsto, obsum &c.* Quo vero ad definitionem rei, est *facultas opponendi se penes jura, seu Est modus civibus concessus, jura Patriæ tuendi, ne quid contrarium Legibus statuatur.* Definitiones hæ, colliguntur ex supracitatis Constitutionibus, verbô: *według Praw dawniejszych, przy Prawie, &c.* Unde graviter errant, qui putant *Liberum Veto,* ipsam



ipsam esse libertatem, quam in supposito 8vo definivimus cum GROTIUS, *Esse jus Reipublicæ regendæ, Liberum verò Veto*, nec regit Rempublicam, nec ei jus condit, sed conditum concordi voce & unanimi consensu Ordinum (quo Leges fiunt, ut in supposito secundo ostendimus) solum defendit & tuetur. Unde rectè describitur à nonnullis, quod sit: SATELLES & CUSTOS Legum. Cujus proprietates sunt:

Primò: Indemnitates, jura, Privilegia, & immunitates Sacræ Romano-Catholicæ Ecclesiæ tueri. 2dò, Leges & æqualitatem inter cives custodire. 3tò, cavere, ne Respublica quid detrimenti patiatur; ne leges Cardinales lædantur; ne damnosa & præjudiciosa Bono Publico statuantur, aut sanciri permittantur. 4tò, S. Fidem Orthodoxam propagare; commoda Publica promovere; & mala avertere. 5tò, pacta tenere, foedera servare, amicitiam cum Vicinis colere, & jus suum cuique tribuere &c. &c.

Huic Satelliti *Liberi Veto*, est suus gladius, utraque parte acutus: defendit & offendit. Defendit libertatem, si jure utatur; & tunc est Virtus, Custos, & Columna Libertatis. Si verò contrà sumatur, tunc offendit Rempublicam, lædit libertatem, & occidit cives, & est vitium pessimum, principium omnium, primum & Alpha malorum in Polonia, procedens ex natura corruptæ libertatis, seu licentiæ insolentis.

His igitur originem *Liberi Veto* paucis explicatam, ante oculos, & in conspectu publico propono. Judicium de hoc, sit penes lectorem, cui hoc liberum relinquo

- - - - *si quid novisti rectius istis,*  
*Candidus imperti, si non? his utere mecum.* Horat.

E

Quæ



Quæ tibi amice Leche, in medium protuli, de vero & legitimo Sensu *Liberi Veto*. Cui Leges tuendæ Patriæ, metam proposuerunt Herculeam: *non plus ultra*, intra terminos justitiæ, hærendo *przy Prawie &c. &c.*

Verùm abominabiles factæ sunt viæ eorum; ponentes tenebras lucem, & lucem tenebras: transgredientes terminos antiquos, quos Patres posuerunt in Lege, alieni facti, & remoti à vero sensu *Liberi Veto*, ad voluntatem libidinemque suam vociferantes, animarum salutis, pauperum miseræ, Divinorumque præceptorum obliti, omni cogitatione, ad injusta conversi imperia, quasi telô & instrumentô rerum fragilium, ad everfionem regni, ad scindenda in partes consilia, ad vertenda studia in diversa, hoc salutari classicô, (*Liberô Vetô*) stabiliendæ alioquin, firmandæque huic Reipublicæ, à Majoribus institutô, excidium Patriæ parant atque ruinam: in mille pericula, & casus fatales præcipitantes libertatem, furiosis, petulantibus, atque nundinariis habendi contentionibus certantes, has turbas faciunt, has tragœdias excitant, has bellorum civilium faces accendunt, solam rationem in imperio voluntatis reponentes: *sic volo, tak misie podoba, tel est nôtre plaisir, Szlachcicem y dość na tym &c.*

O Polonia! jam non Polonia. Quondam summa Veneratrix, Legum exemplarissima Observatrix, in qua Lex æterna, summi DEI Mens, & sola recta ratio dominabatur: libertatis Domus, Decus Gentis, ac Columna Orbis, nunc prostibulum facta vitiorum; nullius recti, veri, honesti respectus: Legum inobservantia, sancitorum executio nulla, Publicæ salutis incuria, sola



sola privatorum ambitio & fastus, novas leges, novas artes, novas insidias excogitant habendi, non sentiendi. Sub quibus, prohi dolor! libertatem minui, licentiam crescere in factionibus, experimur dietim.

Super quæ, ultrà sensus veritatis reflectendo.

QUÆRO: num *Liberum Veto*, contra jura attentatum, observari debeat?

Præsuppositô, & ut certô habitô, ex Annalibus Regni, Poloniam modestè, & fortiter, sub Regibus suis educatam, orbi esse decoram, admirandam, & legibus suis imitandam, nullatenus, citra offensam DEI, jurium, & Legum suarum, id affirmare posse, nisi apertè naturæ, rationi, & per omnia Legi Divinæ, ad cujus gloriam leges humanæ conduntur, repugnare velit: *Felix diuturnumque regni imperium in laudem DEI Omnipotentis reddatur CASIMIRUS* Cracov. an. 1368. (1) 2dò, deductô hîc antiùs in suppositis num. 3tio & 6to, quòd tam Lex, quàm Consuetudo, fundetur super *Rationabilitate*, sequitur necessariò *Liberum Veto*, sive pro lege, sive consuetudine sumatur, à civibus contra legem citatum, nullam vim & robur habere. Est commune, Thgorum & Jctorum docentium, Legibus esse parendum: *Lex Civilis in conscientia obligat.* Gribn. lib. 2. cap. 3. §. 6. de jurib. Majest. Idipsum probat SIGISMUNDUS, Constit. Cracov. an. 1507. *Quia omnis lex donum DEI est, huic omnes obedire oportet, utpote sinè qua, Respublica consistere & regi nequeat.* (m)

E 2

Hinc

(1) vid. *Suppositum 4tum.*

(m) vid. *Suppositum 3tium.*



Hinc manifestè apparet eorum malitia, contra omne fas & æquum, Ordinationi legum, sese pertinaciter opponentium. Super omnia verò, ordinem rectè consulendi, tam frivole evertentium. De quo nos Constitutio SIGISMUNDI III. (n) JOANNIS III. (o) per expressum docet, primò die comitiorum, Marefchalcum esse eligendum: *Deklaruiemy ze po obraniu dnia pierwszego, Urodzonego Marszałka Poselskiego.* &c. Hic arbitrum optarem, sed sincerum; quò decernente constaret evidenter: omnes contrà votantes in præteritis Comitibus, Legifragos, DEO injurios, & Patriæ obnoxios esse Filios.

Si dicas: contrarium haberi ex praxi & consuetudine: quâ nunquam, aut rarè valde notamus, Marefchalcum, primò die comitiorum esse electum, fuisse tamen sæpius ejus electionem, usque ad ultimum diem consiliorum, protractam, acta testantur. Ergo &c.

Resp. Imò: errores non sunt allegandi sed corrigendi. Quod & tu ipse probè fateberis. Nam: si annò præteritò rapinis, prædis, incurfionibus, aliisque innumerabilibus excessibus, contra præcepta, vivere assuefactus sis, licebitné tibi per usum inolicum, eadem & hoc annò perpetrare? Quis tam effrons diccret?

Resp. 2dò: non usus, qualis præsens est, de protrahenda electione Marefchalci, legem non tollit. Gribn. in Prolegom. cap. 1. *de jur. in gen.* habeturque pro irrationabili, Consuetudo, quæ præbet occasionem delinquendi. (p)

Resp.

(n) an. 1591. ex *Sczerbicio*.

(o) an. 1690. fol. 1. p. 1.

(p) vid. *Suppositum 6rum*.



Resp. 3tiò: Suppositò, quod de protrahenda electione Mareschalci, etiam legitima (quæ vim legis habet,) (q) daretur consuetudo, adhuc tamen tali consuetudine, lex citata, de eligendo Mareschalco, minimè aboleretur. Quia *Ratio, & Veritas*, (Legis) *consuetudini præponenda est: & veritate manifestatâ, cedat consuetudo Veritati.* S. August. lib. 4. de Bapt. cont. Donat. cap. 5. Idem habetur in c. cum causâ extrâ de sent. & re judic. *Et si consuetudo sit magnæ auctoritatis, nunquam tamen præjudicet Veritati, aut Legi.* Ergo &c.

Resp. 4to. Quotiescunque electio Mareschalci, inter oppositas animorum potestates, ultra præscripta legum, de habili & idoneo Subjecto eligendo, disputatur, non ideo per hoc, inverti ordinem, putes, nam: quocunque die Mareschalcus eligitur, primò seu ultimò, semper tamen ab eodem comitia inchoantur. Per quod Ratio Legis salvatur. Secus dicendum de Comitibus, in quibus Ordo legalis invertitur, ea præcipitando, quæ ordine & lege electionem Mareschalci rite sequuntur tractanda. (r) Uti actum videmus, in comitiis proximè diremptis, in quibus ante electionem Mareschalci, multa proponebantur in confusione, absque ratione. Quæ ne te deinceps deferat.

Velim ut ultroneus huc animum advertas, & providè veritatem intelligas: *morum corruptelam interitum sequi libertatis.* (s) Sic Romanam Remp. amplissimam quondam & florentissimam, Civium furoribus exagitatam, in licentiam multitudinis intolerabilem effusam, seditionibus, civilibusque bellis quassatam, omni

F *calamitas*

(q) vide suppositum 6tum.

(r) Vid. Conflit. an. 1690. tit. *Obiasnienie Konstytucyi &c.*

(s) GUEVARA in horol. Princip.



calamitate foris domique afflictam, à fundamentis corruisse. De quo Poëta:

*Sic fata premunt civilia mundum,  
Sic Romana jacent.*

Itaque notent verba & signent mysteria illi, quorum os plenum est maledictione & amaritudine. Garrientes & laxantes procaces linguas in detractionem Patriæ, causas arumnarum protendentes, ambitiosis, & minacissimis concertationibus; clamoribus æstimates rei esse occurrendum, non legibus.

Sed frustra, falluntur: tota luditur opera: *moribus antiquis resstat Romana, Virique.* Prima salus Reipubl. LEX est. Cui repugnare, anathema est: *Maledictus omnis, qui non permanferit in omnibus, quæ scripta sunt in libro Legis.* (t) Sic CASIMIRUS, cives impellens, ad observantiam legum, pœnas iis adjecit: *Cupientes ut subditi nostri, in regno nostro degentes &c. ad perpetuam rei memoriam statuta edidimus, volentes ut ipsa statuta, in prædicta terra Poloniæ, ab omnibus observentur, sicut nostram indignationem, & pœnas contentas in illis, volunt & cupiunt evitare.* His pro coronide positis

Postremò quod superest, ne quid hîc à me aut malevolè dictum, aut protervè scriptum, lingua æmula taxare, quod verissimè sonat, mussitare audeat; judicetque priùs sinceriter, antequam quid temerè effutiat, hîc illud CROMERI, pro ratione & defensione Censuræ meæ pono. *Est quidem salutare admodum in Republica, esse Custodes libertatis communis: ceterùm providendum est etiam atque etiam, ne quod ad salutem comparatum est, abusu*

*verta-*

(t) ad Gal. 2. Cor. 3.



*vertatur in perniciem: metuendumque est, ne infinita illa potestas, & in licentiam erumpens libertas, non tam publicam fortassis utilitatem spectans, quam privatæ alicujus unius, vel paucorum libidini & cupiditatibus, vel denique auræ populari serviens, & regere magis, quàm regi satagens, prostratâ & eversâ Regiâ Majestate, & authoritate Senatoriâ, summam Reipublicæ confusionem pariat &c. Lib. XXVII. fol. 400. in fin.*

Ex hoc Capite, Constat mens *Recti*, mens *Veri*, Lexque *Honesti*, qua, ex solo amore & zelo, quo erga Poloniam ferar, *Liberrum Veto* conformiter ad Legem explicando, Libertatem in salvo, & ex integro colo ac veneror. Pro qua, vitam ponere, sanguinemque etiam (si res ita ferat) profundere, paratus sum. Polonus etenim haberi non mereretur, nec inter honestissimos Viros, eum posse satis integrâ æstimatione versari, qui Patriæ injuriam vindicare, dignitatem, integritatemque ejus, pro virili, conservare non studeret.

Pro quo, indefessus labor, cura, & sollicitudo verè Paterna *Serenissimi AUGUSTI III.* Regis Vestri Amantissimi, Cujus ad exemplum, totus componitur Orbis, omnem eò vertit Mentem, ut bene sit Vobis & Patriæ. Cui nihil quidquam magis curæ cordique est, præter Bonum commune & Pacis: In summa Clementia, & Bonitate, Pharsalicam inter cives moderando discordiam.

Sub Quo, felicissimè & sanctissimè vobis Regnante Principe, jamjam *AUGUSTEA* (aurea puta) sæcula, quæ hactenus sub Marte, extincta jacebant, denuo Poloniæ resflorere, & vigere videmus meliora: omni virtute perfectissima, in Serenissimo AU-



**GUSTO III.** In Quo si velis Devotum? en maximè Pium!  
si Æquum? en Justum! si Sapientem? en Prudentissimum! si  
Manufactum? en Clementissimum! si Liberalem? en Manificen-  
tissimum! verbò: desideras Virtuofum? omnium Virtutum Spe-  
culum ecce **AUGUSTUM!**

Hunc ergo amate Dominum, Quem Vobis DEUS posuit  
Regem; Propitium & Benignum, sæculi nostri Felicitatem. Eĩ  
servite corde perfectò & verissimò; uno omnes labio voventes,  
quò olim Populus Electoralis, PROBO suo acclamavit festivè:  
**PROBE AUGUSTE DII TE SERVENT.** (u)

Vobis verò pro complemento instituti, quibus hæcenus *Li-  
berò Vetò* ludere placuit contra jura, Lubeat nunc sub Principe  
tam *Justo & Pio*, seriò eò uti cum Lege, ad Majorem Nominis  
Poloni, Regnique Vestri Honorem: objurans vos in Christo Do-  
mino, cum Apostolo: ut sitis concordēs & unanimes spiritu:  
*obsecro vos, per Nomen Domini Nostri JESU CHRISTI: ut id-  
ipsum dicatis omnes; & non sint in vobis schismata: sitis  
autem perfecti in eodem sensu; & in eadem*  
*sententia*


**Z G O D A.**

(u) Flav. Vopiscus in PROBO, Riccius de Elect. & Coron. Reg.


(x) I. Cor. I. v. 10.













Biblioteka Jagiellońska



stdr0024357



